



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

21 մայիսի 2026 թվականի N 685 - Ա

ՈՌՈԳՄԱՆ ՆՊԱՏԱԿՈՎ 2026 ԹՎԱԿԱՆԻՆ ՍԵՎԱՆԱ ԼՃԻՑ
ՋՐԱՌԻ ՄԱՍԻՆ

Հիմք ընդունելով «Սևանա լճի մասին» Հայաստանի Հանրապետության օրենքի 15-րդ հոդվածը և «Սևանա լճի էկոհամակարգի վերականգնման, պահպանման, վերարտադրման և օգտագործման միջոցառումների տարեկան ու համալիր ծրագրերը հաստատելու մասին» Հայաստանի Հանրապետության օրենքով հաստատված ծրագրի 6-րդ գլխի 6.1-ին կետը՝ Հայաստանի Հանրապետության կառավարությունը **ո ր ո շ ու մ է.**

1. Ոռոգման նպատակով Սևանա լճից 2026 թվականի ոռոգման շրջանում ջրառի չափաքանակը սահմանել մինչև 143.6 մլն մ³՝ ներառյալ ջրօգտագործման թույլտվությամբ սահմանված՝ «Գեղարքունիք» ջրօգտագործողների ընկերության 3.6 մլն մ³ ծավալով ջրառը:

2. Հայաստանի Հանրապետության շրջակա միջավայրի նախարարին՝ Սևանա լճից ոռոգման նպատակով ջրառն ապահովել՝ համաձայն Հայաստանի Հանրապետության տարածքային կառավարման և ենթակառուցվածքների նախարարության ջրային կոմիտեի կողմից ներկայացվող չափաքանակի և ժամկետների:

3. Թույլատրել Հայաստանի Հանրապետության տարածքային կառավարման և ենթակառուցվածքների նախարարության ջրային կոմիտեի նախագահին, կախված եղանակային պայմաններից, Սևանա լճից ոռոգման նպատակով իրականացվող ջրառի չափաքանակի շրջանակներում կատարել ծավալային և ժամկետային փոփոխություններ:

4. Հայաստանի Հանրապետության տարածքային կառավարման և ենթակառուցվածքների նախարարության ջրային կոմիտեի նախագահին՝ Հրազդան գետի հունի լվացման նպատակով Աղբյուրակի ջրամբարից մինչև Երևանյան լիճը, գետի հունով, յուրաքանչյուր ամսվա 15-ին և 30-ին բաց թողնել մեկ ժամով նախազգուշական ելք՝ 2.0 մ³/վրկ, և երկու ժամով հիմնական ելք՝ 5.0 մ³/վրկ, ընդամենը տարեկան՝ 0.56 մլն մ³:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՓՈԽՎԱՐՉԱՊԵՏ

Երևան

Մ. ԳՐԻԳՈՐՅԱՆ